



რეკომენდაცია N3

რჩევები ჯანმრთელობის დაცვის მიმართულებით

მიგვაჩნია, რომ ამ ეტაპზე (1 მაისი) საქართველომ გადალახა SARS-COV-2-ის ეპიდემიის პირველი, ე.წ. შეკავების ეტაპი და ქვეყანა ახალ – შიდა გავრცელების ეტაპზე გადავიდა, რაც ეპიდემიის მართვის განახლებულ მიდგომებს საჭიროებს. სწორედ ამიტომ, მნიშვნელოვანია ხელისუფლებამ, ეპიდემიოლოგიური ვითარების სამართავად, გაითვალისწინოს შემდეგი რეკომენდაციები:

მთავარი რჩევა:

ოპტიმისტური – „პიკი გადავიარეთ და იგნისში ეპიდემია დასრულდება“ მოლოდინის შექმნის ნაცვლად, მნიშვნელოვანია სიტუაციის ობიექტურად გააზრება და შესაბამისი მოლოდინის შექმნა, რაც გულისხმობს – დავიწყოთ და ვისწავლოთ ცხოვრება SARS-COV-2 ვირუსთან ერთად. ეს ნიშნავს:

- ☐ ინფიცირების ახალი შემთხვევების მატება მომდევნო თვეებში გარდაუვალია, მაგრამ შესაძლებელია სტაბილიზაცია ხანგრძლივი დროით, ეპიდემიის განლევამდე;
- ☐ ჩვენ უნდა ვისწავლოთ ახალი შემთხვევების ნაკადების მართვა:
 - ✓ ინფიცირების ახალი შემთხვევის თანდათანობით მატება დასაშვებია, თუ მას უმკლავდება სამედიცინო სისტემა;
 - ✓ დარჩეს მხოლოდ ის შემთხვევები, რომელთა გაუქმება ქმნის ინფექციის ახალი შემთხვევის მკვეთრი მატების საფრთხეს, რათა შემსუბუქდეს ის სოციალური, ეკონომიკური და ადამიანის უფლებების შემზღუდავსთან დაკავშირებული შოკი, რომელსაც ქვეყანა იღებს;
- ☐ ამ პროცესში გაქციოთ საზოგადოება თანამოაზრედ:
 - ✓ მივცეთ საშუალება გაიაზროს რეალური რისკები, საკუთარი პასუხისმგებლობა და, უსაფრთხოების ზომების დაცვით, გააგრძელოს ვირუსთან თანაარსებობა;
 - ✓ მივაწოდოთ ობიექტური ინფორმაცია, გავუზიაროთ გეგმები და შედეგები¹, გავმართოთ დიალოგი, ვცადოთ შეთანხმება, და ნაკლებად შევუქმნათ მოულოდნელობები.

¹ მაჩვენებლები, დეზაგრეგაციის ცვლადები, და ანგარიშგების ცხრილების ფორმატი შესაძლებელია შემუშავდეს ერთობლივად

ეპიდემიის მართვასთან დაკავშირებით აუცილებელია:

- ➔ ეპიდემიის სამართავად რეპრეზენტაციული სერო-პრევალენტობის კვლევებით სტრატეგიული ინფორმაციის მიღება და გასაჯაროება;
- ➔ ფიზიკური დისტანციის დაცვისა და პერსონალური უსაფრთხოების საშუალებების გამოყენების ხელშეწყობა და ეფექტიანი კონტროლის დამყარება;

ჯანდაცვის სისტემის გამართულობასთან დაკავშირებით აუცილებელია:

- ➔ რისკ ჯგუფების სრულად ტესტირება (მოცვა და სიხშირე ეროვნული გეგმის შესაბამისად);
- ➔ სამედიცინო დაწესებულებების ქსელის მზადყოფნის ამაღლება (ეროვნული გეგმისა და სტანდარტების შესაბამისად) ორი მიმართულებით:
 - ✓ ინფექციის შიდა გადაცემის პრევენცია და კონტროლი
 - ✓ COVID-19-საეჭვო და დადასტურებული შემთხვევების კლინიკური მართვა
- ➔ ეფექტიანი კომუნიკაცია საზოგადოებასთან, და ინტერეს-ჯგუფებთან, ყველა ზემოხსენებული ზომების გატარების შესახებ ანგარიშგების გასაჯაროების ჩათვლით.

2019 წელს ეკონომიკური პოლიტიკის კვლევის ცენტრის (EPRC) მიერ შეიქმნა პლატფორმა, რომლის მიზანია ჯანდაცვის სისტემის განვითარებისთვის და გრძელვადიანი ხედვის განსაზღვრისთვის, პოზიციების, არგუმენტირებული მოსაზრებების და რეკომენდაციების შემუშავება. ჯგუფის წევრები არიან ჯანდაცვის, ეკონომიკის და სახელმწიფო მართვის სფეროში პროფესიონალები, რომლებსაც აქვთ სურვილი და მზაობა, მსოფლმხედველობითი განსხვავების მიუხედავად, შეთანხმდნენ ჯანდაცვის სფეროში სახელმწიფოს განვითარებისთვის საუკეთესო მიდგომებზე.

SARS-COV-2-ის ეპიდემიის გავრცელების გამო სამუშაო ჯგუფი აქტიურად ჩაერთო აღნიშნული პანდემიის გარშემო შექმნილი პრობლემური საკითხების განხილვაში. წარმოდგენილია რეკომენდაცია N3. უახლოეს პერიოდში ჯგუფი შემოგთავაზებთ რეკომენდაციებს ეკონომიკის პოსტკრიზისული პერიოდისთვის.

სამუშაო ჯგუფი: დავით გზირიშვილი, გიორგი გოცაძე, ლაშა დოლიძე, ნინო ევგენიძე, აკაკი ზოიძე, იაგორ კალანდაძე, ნინო კიკნაძე, ლევან კობერიძე, ვახტანგ ლუაფა, ნინო მირზიკაშვილი, ვახტანგ სურგულაძე, ანდრია ურუშაძე, გიორგი ქადაგიძე, სერგო ჩიხლაძე, ქეთევან ჩხატარაშვილი, გიგი წერეთელი, ზურაბ ჭიაბერაშვილი, მარიამ ჯაში